

09 . februar 2021

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

**Inatsilerinermi kalaallisut taaguutit ineriartortinneqarnissaannik suliaq sumut killippa?**  
(Inatsisartunut Ilaasortaq Doris Jakobsen Jensen, Siumut)

Tunngavilersuut:

Oqaatsit inatsilerinermi atorineqartartut kalaallisut taaguuteqanngitsut ilisimavarput tamannalu nunatta namminersulivinnissaanut akornutit ilagivaat, taamaattumik inatsilerinerup iluani inerisarneqartariaqarlutik.

Ilisimatusarfimmi kalaallit inatsilerinermi ilinniarfittaavani ilinniakkap aqqissuunneqarnerata nassuiaataani atuartitsissutissat amerlanerit aallaqqaammut danskisut ingerlanneqarnissaat naatsorsuutaanikuuvoq siunertaallunili ilinniartitsinerup ilarujussuata siunissami kalaallisut ingerlanneqalernissaa, taamaattumik kalaallit oqaasiisa ilinniakkami matumani atorineqangaatsiarnissaat sammineqangaatsiarnikuuvoq siunertaralunguttaaq ilinniartitsissut inatsilerinermi kalaallisut taaguutinik inerisaaqataassasut.

Inatsilerinermi taaguutit kalaallisut aqqisa amigaataanerat annertuumik ajornartorsiutaavoq, ingammik inatsilerinermi aamma niuernerup silarsuaani, aalisarnerup silarsuaani assigiinngitsunilu. Isumaqatigiisummik qallunaatut tuluttulluunniit allaqqasut kalaallisut nutserneri ilaatigut ajornartorsiutaasarlutik.

Qulaani tunngavilersuutigisakka innersuussutigalugit matumuuna apeqquuteqaatigissuara, inatsilerinermi kalaallisut taaguusersuineq sumut killinnersoq?

Kissaatigaara ullut suliffiusut qulit iluini apeqquuteqaatima akineqarnissaa.